

Raid de Aventura **X LIGA GALEGA** **Normas anuais 2014**

Introdución

Dez anos de raids de aventura, compartindo un proxecto consolidado, que cada vez sorpréndenos con máis participación, con máis organizacións, e unha calidade cada vez maior, todo co gallo da orientación e os deportes na natureza, que nos obriga a seguir traballando para mellorar.

2 categorías, 2 formatos —Elite (3 membros sempre en competición), e Aventura (2+1 reserva asistencia), e a posibilidade para os organizadores de incorporar un percorrido de iniciación—, Orienta-Raid (2 membros sempre en competición e sen límite de compoñentes), que nos permiten cumprir cos nosos obxectivos, aumentando ou diminuindo a dificultade ó elixir a categoría que cada un estime oportuna, para poder competir o noso nivel ou simplemente pasar un bo día de lecer na natureza, sen esquecer a dualidade deste deporte, a puramente competitiva e a de turismo activo.

Un deporte mixto, tamén en canto que compiten na mesma categoría homes e mulleres, sen distinción de sexo ou idade.

Calendario 2014

- 1ª Proba, 26 ABRIL en Ordes (A Coruña), organiza SEO.
- 2ª Proba, 10-11 MAIO en Xove (Lugo), organiza Gallaecia Raid.
- 3ª Proba, 21 XUÑO en Orro-Culleredo (A Coruña), organizan Ártabros/ADTL A Pedrosa.
- 4ª Proba, 13-14 SETEMBRO en Pontevedra, organiza AROMON.
- 5ª Proba, 27 SETEMBRO en Arzúa, organiza Brigantia.
- 5ª Proba, 18-19 OUTUBRO en Xermade (Lugo), organiza Gallaecia Raid.

Información

Na web de FEGADO: <http://fegado.es>

Nas webs oficiais de cada proba.

ARTIGO 1. Requisitos de participación

Para participar nas probas do calendario oficial da Liga Galega de Raids de Aventura e puntuar no seu *ranking*, será obrigado ter 18 anos cumpridos ou máis. Tamén se deberá estar en posesión da licenza de Raid da FEDO na súa versión anual ou de fin de semana.

ARTIGO 2. Regulamentos

A Liga Galega de Raid de Aventura estará suxeita o Regulamento de Raids de Aventura da FEGADO, ás Normas anuais de Raids de Aventura da FEGADO, ás normas particulares de

cada Raid, e no seu caso, no non previsto e aplicable, ó Regulamento de Raids de Aventura da FEDO.

ARTIGO 3. Normas

Estas normas serán de aplicación en tódalas probas que integran esta Liga.

ARTIGO 4. Formato de equipo

Son competicións de equipo coas seguintes categorías:

4.1.- ELITE, categoría obrigada con formato 3+asistencia, tres compoñentes sempre en competición e unha asistencia.

4.2.- AVENTURA, categoría obrigada con formato 2+1 reserva-asistencia, dous compoñentes sempre en competición e un posible reserva-asistencia, que poderá substituír ós seus compañeiros nos puntos indicados pola organización.

4.3.- ORIENTA-RAID, categoría de iniciación optativa para os organizadores das probas, a posibilidade de facer un percorrido de iniciación (apto para todos os públicos, sen dificultades técnicas), con formato 2+sen límites, dous compoñentes sempre en competición e sen límite de compoñentes reservas-asistencias, que poderán substituír ós seus compañeiros nos puntos indicados pola organización.

ARTIGO 5. Compoñentes e nome de equipo

5.1.- Para favorecer a formación de equipos, e por tanto a promoción deste deporte (obxectivo principal desta liga), **non haberá ningunha limitación na formación de equipos** que participen en cada proba e **que NON puntúen no *ranking* galego**.

5.2.- Todos os equipos que participen nunha proba do calendario e pertenzan a un club FEGADO puntuarán para o *RANKING* GALEGO, sempre que cumpran os requisitos recollidos no artigo 7 destas normas. Sendo responsabilidade dos clubs organizadores remitir o arquivo completo á persoa encargada de elaborar o *ranking* (indicado no final destas normas), por e-mail (no formato excell oficial remitido ás organizacións), cos seguintes datos: CLASIFICACIÓNS FINAIS por CATEGORIA, POSTO ACADADO polo EQUIPO, NOME do EQUIPO, CLUB de PERTENZA, N° PUNTOS validados, TEMPO EMPREGADO, MIXTO (SI ou NON), COMPOÑENTES (nome e apelidos, n° licenza anual raid ou d.n.i. e data de nacemento). Os equipos que non cumpran os requisitos recollidos no artigo 6 desta normativa, segundo a información enviada polos organizadores, non sumarán a puntuación obtida en dita proba no *ranking* galego.

5.3.- Non haberá limitación no número de compoñentes que participen cun **equipo que puntúe no *ranking***, pero cada persoa durante a mesma tempada, só poderá competir en diferentes equipos que puntúen para o *ranking* sempre que estes equipos pertenzan ó mesmo club. Só poderase puntuar por equipos dun só club e os puntos permanecerán nese primeiro club e aínda que o corredor cambie a súa licenza a outro club.

5.4.- Cando un **equipo que puntúe no *ranking*** da liga modifique o seu nome, deberá informar convenientemente á persoa ca responsabilidade de elaborar o *ranking*, antes da

celebración da proba na que participen cun nome diferente, para que se lle poidan sumar os resultados a un mesmo equipo con diferentes nomes.

5.5.- O nome dun equipo deberá conter o nome do clube ó que se encontra ligado.

ARTIGO 6. Control de Material Obrigado

Todas as organizacións terán a obriga de facer un control de material obrigado durante o transcurso da proba, o punto de control será segredo e realizarase a tódolos participantes sempre que sexa posible.

ARTIGO 7. Clasificación Xeral da Liga (*RANKING GALEGO*)

7.1.- Para poder participar no *ranking*, os clubs e os equipos deberán cumprir os requisitos esixidos nos artigos 1 e 5.

7.2.- Existirá unha Clasificación Xeral independente para as categorías de Elite e Aventura (o percorrido optativo de iniciación, Orienta-Raid, non terá *ranking*). A clasificación ordéase de maior a menor puntuación, segundo a suma total dos puntos *ranking* de cada equipo, acadados pola súa participación nas diferentes probas, sumando para o total os resultados acadados polo equipo no 80% (axustando o enteiro por enriba) das probas do calendario oficial da tempada, descartándose os resultados restantes de menor puntuación. En TODAS as categorías, os equipos teñen que competir obrigatoriamente como equipo mixto en 3 probas do calendario (tendo que sumar para o *ranking* 2 resultados mixtos obrigatoriamente), obriga que se manterá sempre, aínda que se suspendan probas do calendario aprobado. Os equipos que non compitan tres veces como equipo mixto, deixarán de sumar no *ranking* unha ou dúas puntuacións, segundo seus casos. Os equipos que organicen unha proba, poderán considerala como participación mixta. Para ter a consideración de equipo mixto a estes efectos, o equipo debe ser mixto en alomenos o 50 por cen das seccións, redondeando o enteiro máis alto, no seu caso.

7.3.- En caso de anulación dalgunha proba, esta considerarase fora do calendario oficial da tempada, axustando o número de probas puntuables ó 80 % (axustando o enteiro por enriba) do calendario resultante. Nembargantes en caso de anulación de probas, mantense a obriga de puntuar no *ranking* alomenos como equipo mixto dúas veces, e participar como mixto en tres probas.

7.4.- Poderase sumar un resultado como organizador de proba, sendo este igual a media das 3 mellores actuacións do equipo, sen superar nunca a puntuación do equipo gañador da proba organizada. Nas probas de 2 días de duración, os equipos organizadores puntuarán a media das 3 mellores actuacións +20%, sen superar nunca a puntuación do equipo gañador da proba organizada. Cada organización informará o encargado do *ranking*, previamente a celebración da proba, que equipos (co nome dos compoñentes) puntuarán para o *ranking* como organización, ata un máximo de 4 equipos.

7.5.- En caso de empate a puntos no *ranking*, terase en conta o número de postos acadados polo equipo como 1º, 2º, 3º ..., etc., nas diferentes probas do calendario, ata desfacer a igualada.

ARTIGO 8. Clasificacións parciais nas probas e cómputo do *ranking*

8.1.- Nas **clasificacións parciais de cada proba**, por norma xeral cada PC validado terá o valor de 1 punto (caso contrario deberá ser informado nos boletíns da proba e quedar ben especificado no libro de ruta) e os equipos se clasificarán por categorías, tendo en conta 1º o número de puntos obtidos segundo PC validados e 2º o tempo real invertido co desconto das bonificacións e neutralizacións, caso de que as houbese.

8.2.- Os **equipos compostos íntegramente por mulleres** beneficiaranse dunha bonificación, aplicable por sección. A bonificación consiste en restar, do tempo total-real invertido en cada sección, un tempo equivalente ó 5% dese total-real. O resultado da resta será o tempo computable para a clasificación. Da mesma bonificación beneficiaranse os **equipos compostos parcialmente por mulleres**, tendo en conta que a bonificación so se aplicará nas seccións en que o equipo forme alomenos cunha muller.

8.3.- (Sen contenido).

8.4.- En **probos de 1 día de duración**, para o computo do **Ranking Galego**, en cada categoría, o equipo que participe obterá un número de puntos en base a súa posición na clasificación xeral, segundo este criterio:

RAID SPRINT (menos de 8 horas)

1º	90 puntos	6º	75 puntos
2º	85 puntos	7º	74 puntos
3º	81 puntos	8º	73 puntos
4º	78 puntos	9º	72 puntos
5º	76 puntos	... diminuindo un punto ata o último clasificado.	
Desc.* 0 puntos			

RAID RACE (máis de 8 horas)

1º	110 puntos	6º	95 puntos
2º	105 puntos	7º	94 puntos
3º	101 puntos	8º	93 puntos
4º	98 puntos	9º	92 puntos
5º	96 puntos	... diminuindo un punto ata o último clasificado.	
Desc.* 0 puntos			

8.4.- En **probos de 2 días de duración**, para o computo do **Ranking Galego**, en cada categoría, o equipo que participe obterá un número de puntos en base a súa posición na clasificación xeral, segundo este criterio:

1º	132 puntos	6º	117 puntos
2º	127 puntos	7º	116 puntos
3º	123 puntos	8º	115 puntos
4º	120 puntos	9º	114 puntos
5º	118 puntos	... diminuindo un punto ata o último clasificado.	
Desc.* 0 puntos			

(*Os equipos só son desclasificados cando incumpren normas de seguridade ou transitan por terreo prohibido, por tales motivos non merecen ningún tipo de puntuación).

ARTIGO 9. Xurado Técnico

En cada proba será constituído un xurado técnico, integrado por un representante da organización, 1 representante dos equipos elite inscritos na proba e 1 representante dos equipos aventura inscritos na proba, nomeando a súa vez 1 representante suplente por categoría para o caso de verse implicados os inicialmente designados nalgunha reclamación. A composición do xurado será informada os participantes antes do inicio da proba. As súas funcións serán as de dirimir posibles sancións, reclamacións, etc, sempre acorde ó regulamento, e decidindo mediante votación sempre posicionada. A poder ser resolvendo as reclamacións antes da entrega de premios, e caso de nos ser posible no prazo máximo dunha semana despois da celebración do evento.

ARTIGO 10. Organizadores

Clubs da Federación Galega de Orientación (FEGADO).

ARTIGO 11. Inscripción

A correcta formalización da inscrición será responsabilidade de cada equipo, segundo o seguinte protocolo:

- Cubrir o formulario de inscrición.
- Formalizar o pago.
- Enviar formulario de inscrición e xustificante de pago, á organización do evento.
- **PECHE da INSCRICIÓN**, ata o **martes** anterior a celebrar o evento as **22:00 h.**
- **PUBLICACIÓN** listado **INSCRITOS** por parte da organización, antes do **mércores** anterior a celebración do evento, nunca máis tarde das **22:00 h.**
- **COMPROBACIÓN** por parte do equipo de aparecer correctamente no listado de inscritos.
- Prazo para **CORRECCIÓN** ou reclamacións ata o **xoves** anterior a celebrar o evento as **22:00 h.**
- Formalización definitiva o día da recepción do evento. O equipo que incumpra estes pasos e o día da recepción non estea correctamente inscrito, quedara excluído do evento.

ARTIGO 12. Custo en probas dun día

As probas de 1 día terán unha cota máxima de 54 € por equipo, máis o custo da licenza raid de 1 día por participante (en caso de non ter licenza anual de raid), se se formaliza antes das 22:00 do martes da semana anterior á proba. A cota sube a 65 euros para as inscricións efectuadas a derradeira semana de prazo, isto es, de 22:00 h. do martes da semana anterior á proba, a 22:00 h. do martes da semana da proba.

ARTIGO 13. Custo en probas de dous días

As organizacións de probas de 2 días terán unha cota acorde cas necesidades da proba, segundo estipule a propia organización, e un custo na licenza de raid de fin de semana por participante para esta tempada.

ARTIGO 14. Campeonato Galego

Unha das probas que conforman a Liga Galega de Raids de Aventura será designada Campeonato Galego, e o gañador será nomeado Campeón Galego de Raids de Aventura.

ARTIGO 15. Campeón Galego

Para ser Campeón Galego é necesario que o equipo compita na categoría ELITE, en formato mixto, que todos os compoñentes teñan a licenza anual de Raids de a FEDO e correr para un clube que se encuentre dado de alta na FEGADO.

Ranking Galego 2014

Para a elaboración do *ranking* 2014 as organizacións deberán enviar o formulario oficial o e-mail oficial: **raid@agaco.es**, este e-mail será tamén o canle de comunicacións oficiais entre FEGADO e as organizacións ou equipos participantes na liga para calquera dúbida, proposta, comunicación ou reclamación.

Propostas de organización para 2015

As **propostas** de organización de probas da **Liga Galega de Raid de Aventura 2015**, deberán ser remitidas a **raid@agaco.es** antes do **22 de novembro de 2014**.